

დ რ მ ე ბ ა

სურათებიანი დამატება

გაზეთის № 166. კვირა, 19 ივლისი 1909 წ. დამატების № 29.

წყემსის სიკვდილი

—:—

მკათათვის მზე უხვად აფრქვევდა სხივებს მშვენიერ ალაზნის თავზე*). ღრუბლის ერთი ნამცეცი არსად არა სჩანდა. მეცხვარეებს გაეფანტათ ცხვარი მთის კალთებზე. აქა-იქ ხორხებში თეთრად მოსჩანდნენ მილეული ზეგვები. ზეგვების ქვეშიდან გამოსჩქეფდნენ ანკარა წყლები და ჩანჩქართ, აღქაფებულნი მიისწრაფებოდნენ თუშეთის ალაზნისაკენ; ალაზანიც წყნარად მიჰგორავდა გაშლილ რიყზე და იხუტებდა მათ თავის გულში.

ალაზანს მარცხნივ ერთვის სამროვანის წყალი. ამ წყალზე დევს ცხვრის ბინა. მეცხვარეებმა გაათავეს ცხვრის წველა; ბაკიდან გამოშვებული დამშებიული ცხვარიც გაიშალა სამოვრად ბინის ახლო-მახლო მყუდრო-გორაკებზე. ბინაში მეყველე შეუდგა ყველის კეთებას.

— ჰეი, ბინის პატრონებო! — გაისმა ხმა.

ძაღვები ყუფით გაეჩანნენ ხმისაკენ.

— მიეშველენით, ვინ არი, არ გააფუქონ ძაღვებმა! — უთხრა ბიჭებს ბინის პატრონმა.

ერთი წყემსთაგანი გაქანდა სტუმრისაკენ. არ განვლო ბევრმა ხანმა, სტუმარი შევიდა ბინაში.

— შენა ხარ, ჯაბო, გამარჯვება კაცო, რას იქ, ხომ კარგათა ხარ შენი საქონლით! — დაუხვდა სტუმარს ბინის პატრონი.

— ეჰ, ჩვენი მტერი იყოს ისე, როგორც მე ვარ ეხლა! — ამოიოხრა ჯაბომ, რა დაეყუდა არყის ჯოხზე და მიმოავლო სევდიანი თვალები ბინას.

— რა, ცხვარი, ან ცხენი ხომ არ წაგისხეს ქისტებმა? — მოუთმენლად ჰკითხა მასპინძელმა.

ქისტების თავდასხმა თუშ-ფშავლების მეცხვარეებზე და საქონლის მოტაცება ხშირი მოვლენაა მთაში.

— არა, კაცო, — სთქვა ჯაბომ, — წყემსი დამელუბა...

— როგორ თუ წყემსი დაგელუბა, რომელი წყემსი?!..


— აი ხორბალოელი ქისტი არა მყვანდა — ბაი.

— რა მოუვიდა იმ საწყალს? — მოუთმენლად მიუბრუნდა ჯაბოს ახალგაზდა წყემსი, რომელიც იმ ბინის საწველ ცხვარს დასდევდა და გუდაში ქუმლის და ხაქოს თავის დლიურ საგძალს ამზადებდა, — სამი დღის წინ ვნახე ის კაცი ცხვარზე და რა ვიცი, მე იმას არა შევატყე რა; ძაღვით საესე იყო ის კაცი.

— კლდეზე გადაიჩეხა... — მღელვარე ხმით წარმოსთქო ჯაბომ.

*) ალაზნის თავი-თუშეთშია, შეადგენს თუშეთის ალაზნის სათავეს, შემდეგ ეს მდინარე ანდის ყოისად იწოდება.

— საწყალი... რა მოსვლია უბედურს...
სიჩუმე ჩამოვარდა. ყველამ თავი ჩალუნა.
— საწყალი ბაი! — ნაღვლიანად ამოიხვრა ახალგაზდა წყემსმა, — მხიარულ გუნებაზე იყო; ეს ერთი კვირაც და წავალ შინაო...
წყემსის ბოლო სიტყვებზე ჯაბოს სახე მოელუმა და იმის გულის სიღრმიდან სიმწარის ოხვრა ამოვარდა.



კლემანსო. — საფრანგეთის მინისტრ-პრეზიდენტად ნამყოფი. მისი კაბინეტი ამ ორი კვირის წინად გადადგა, რადგან პალატამ ნდობა არ გამოუცხადა.

— ეხლა მე მინდა რამდენსამე კაცს ვაჩვენო ის უბედური — „სთქვა ჯაბომ რამდენიმე ხნის სიჩუმის შემდეგ, — რომ შემდეგ, ვინცობაა რამე დავიდარაბა ასტყდეს, მიმოწმონ; ამისათვის ერთ-ერთი უნდა გამომყვეთ.
რატომ, რატომაც არ გამოგყვებით! — იმედიანად უთ-


ხრა ბინის პატრონმა, — ცოტა მოითმინე, ხელად ყველს მოვრჩები და წავიდეთ.

— "შენ-კი არ წამოხვალ? — მონიბრუნდა ჯაბო.

— უქველად, — იყო ჩემი პასუხი.

ბევრ ხანს არ ალოდინა ბინის პატრონმა, გაათავა ყველის კეთება თუ არა, ერთად გაუდევით გზას. გზა და გზა გავიარეთ რამდენიმე ბინა და ყოველ ბინიდან თითო კაცი მაინც შემოგვეიერთა.

— ერთი გვიამბე, ჯაბო: როდის და როგორ გადაიჩეხა ის უბედური ქისტი! — ვკითხეთ ჯაბოს.



ახმედ-პირზა. — ახალი შაჰი სპარსეთისა.

— გუშინ-წინ საღამოს, — დაიწყო ჯაბომ: ბინიდან ვხედავდი სამროვანის კლდის ძირას დაფანტულ ჩემ ცხვარს, რომელსაც დასდევდა ის უბედური ქისტი და მიკვირდა, რომ ნაწილრისაკენ არ აქუჩებდა. კარგა დაბნელდა. ცხვარი ისევ ისე დაფანტულია და წყემსი-კი არსადა სჩანს. გავედი-გამოვედი, ვუძახე—ქისტი არ არი—ცხვარი ნაწილარს მოვაქუჩე, წავიდე ბინიდან თოფი, ნაბადი და დავწეკი ცხვრის თეოს. გათენდა და წყემსი-კი არსად არი. დაიკარგა. გუშინ შემოვიარე ეს მიდამო მთა და კლდე ღრე და ძებნაში დავლიე მთელი დღე. დღეს დილა აღრიანად გავედი ისევ საძებნელად. ვიფიქრე, ქისტებმა ხომ არ მოკლესო და ავედი პირდაპირ ნაროვნის დელეზე. იქიდან გადმოვლახე ნაროვნის კლდის თავი. დალილი ჩამოვჯექი ერთ ქვაზე დასასვენებლად. სიო ხევიდან უბერავდა. უცბად გულ მოსაკლავი ხმა მომესმა; სმენად გარდავიქეცი. ძაღლის ღმუილი მომესმა. გავიგონე ძაღლის ღმუილი თუ არა, რაღაც ტკივილი ვიგრძენი გულში, თითქო დანა გამიყარესო.

— აი, იმ ღრეზე, — გაიშვირა თითი მოლაპარაკემ სამროვანის კლდისკენ, — რომელიც წვერვალოდან პირდაპირ ძირს ეშვება, ჩამოვედი. ღმუილს უფრო და უფრო ვუახლოვდებოდი და ვინახე ძაღლი; წამოაკუბულიყო ერთ ქუდუროზე და ცხვირი ზეცისაკენ აშვერილი, გულ მოსაკლავად დაჰღმუოდა. და ვინახე ძაღლი თუ არა, თავს ზარი დამატყდა, თვალვით დამიბნელდა. ძაღლი ჩემი ქისტისა იყო: თავის პატრონს დასდევდა მუდამ, ერთგული იყო, არა შორდებოდა არასოდეს. მიუახლოვდი ძაღლს. დამინახა ამ ქვეიანმა და კეთილმა პირუტყვმა თუ არა, მომვარდა და წკუნვით, კულის ქნევით ფეხებზე დამიწყო ხევენა ხან შემომაცქერდებოდა და მის ქვიან თვალვებში სევდასთან ერთად ვკითხულობდი თხოვნას, მუდარას, რომ მეშველნა მისთვის, დამედო რამე წამალი მის დაკოდილ გულზე.. რამდენიმე წუთის შემდეგ ძაღლი უცბად გაქანდა, გადაიარა ერთი ქუდურო და მიიმალა. მივყევი მეც, ავედი ქუდუროზე და ჩავიხედე ძირს ვაკე ქვიშაან ღრეში თუ არა, და ვინახე ქვიშაზე გაშლარტული ქისტის გვამი და მასთან მისი ერთგული ძაღლიც.

ცოტა ხანს შესდგა მოლაპარაკე და მერე განაგრძო:

— ვერ აგიწერთ, ბიჭებო, თუ როგორ იმოქმედა იმ სურათმა ჩემზე... მოვკარი თვალი ქისტს თუ არა, როგორც გაქვავებული, ერთ ალაგას დაგრჩი; სიბნელით მოიცო ჩემთვის არემარე. ძაღლი-კი ისევ გამოეჩანა ამ ღროს ჩემკენ და გულ მომაკლავ წკმუტუნით ჩამივარდა ფეხქვეშ; შემდეგ შესდგა უკანა ფეხებზე, ამეტოტლა და თვალი თვალში გამიყარა. ველარ გავძელი; გავაგდე დალოცვილი პირუტყვი. ეჰ, მართლა რა უნდა ექნა წყემს, ძაღლი, რომ არა ჰყოლოდა... მე ძმა არა მყოლია, — განაგრძო ჯაბომ სიჩუმის შემდეგ: — და არა მგონია, რომ ძმის სიკვდილმა ისე გული მოუკლას კაცს, როგორც მე მაგ ქისტმა მომიკლა... როგორც ძმა მიყვარდა ეგ უბედური. პატარაობიდანვე ერთად ვიყავით, ერთად შევიზარდენით სხვითა შვილობაში, სხვითა კერას ყურებაში, ერთად დავდიოდით თრიალეთში რამდენიმე წელიწადი, ერთ კაცს ვედევით წყემსებათ. ბევრი ქირ-ვარამი გამოგვივილია ერთად, ბევრჯერ გავვიტეხია ერთად ჯოხზე ყუდილით ზამთრის და ზაფხულის დამეგები. ერთი სიტყვით ერთად გვისვამ ცხოვრების როგორც ტკბილი, ისე მწარე ფიალა და განა ამ ფიალას არ შეეძლო, რომ შეგვეყვარებოდა ერთი ერთმანეთი, როგორც ძმებს?... დიად, ძმათ მიმაჩნდა და დღეს-კი დავკარგე, მერე როგორ?!...

აქ მთის შვილი გაჩუმდა. შევხედე, რე თვალვებში ცრემლი შევნიშნე.

— ეჰ, — ამოიოხვრა ჯაბომ კარგა ხნის დუმულის შემდეგ: — ჩვენ, ამ წყემსების გაჩენისაში დმერთი არ ურევია. ერთი დააკვირდით ჩვენ ცხოვრებას, ჩვენ სიცოცხლეს. სახლკარი გვაქვს და გვენატრება-კი, ცოლშვილი გყვავ და ვერ დავტკბარვართ მათი სიყვარულით. შევყურებთ ცას და დე-დამიწას და ვიარებთ: ყველაფერს განშორებულნი ლუკმა პურისათვის და მისი ნამდვილი გემო-კი არ ვიცით რა არის და აი ამ ნაირი ტანჯული ცხოვრება თავდება მით, რომ ან უნდა კლდეზე გადავიჩენნეთ, ან ულმობელ ტყვიის მსხვერპლი გავხდეთ, ან არა და უნდა დავლიოთ სული უპატრონოდ სადმე მთაში ან ბარში, როგორც ტყის ნადირმა! .. — დაასრულა ჯაბომ. ჩვენც მდუმარედ მივსდევდით მას და ყოველი მისი წმინდა გულიდან ამონაკენესი სიტყვა გულს გვხვდებოდა.

მივედით კიდევ ჯაბოს ბინაში; ავიღეთ ქეჩა, წერაქვი, ნიჩაფი და გავსწიეთ ცხედრისაკენ. ჯერ კარგა ხანს ხევხევ



სარდარ-ასადი. — ბაბტიარების უფროსი. შაჰის გადაყენებაში პირველი როლი ითამაშა.

ვიარეთ, შემდეგ შევადექით სამროვანის ერთ ვიწრო ღრეს და, ბევრი არ გვივლია, დავადექით ქისტის გვამს.


გარს შემოგვხვივნით გვამს. მღუმარება ჩამოვარდა. ყოველი ჩვენგანი იდგა თავჩალუნული, უძრავად, თვალზე ქისტის გვამისაკენ მიპყრობილი. მშვენიერი ღლე იყო. ქვეყნის დიადი მნათობი უხვად აფრქვევდა სხივებს. აქა-იქ მთის კალთებზე გაფანტული ცხვარი ხარბად სძოვდა ნოყიერ ბალახს. სასიამოვნოდ დაჰბერდა მთის სიო. სამროვანის წყალიც ჰქუხდა, გზა და გზა გაშმაგებით ებრძოდა თავის ვიწრო კალაპოტში ქვის უშველებელ ლოდებს, რომ გაერიყა როგორმე ნაპირას და მით გაეკვეთა თავისუფალი გზა...

დიაღ, მშვენიერი, გულწარმტაცი იყო ბუნება, იზიდავდა კაცს, ახარებდა, ბედნიერებას აგრძნობინებდა, მაგრამ იმ წუთს ჩვენ უფრო გულს გვიკლავდა. პირდაპირ თვალ-დათვალ ვუყურებდით სიკვდილს, რომელიც აუცილებლად ყოველს თვალზე გვიწერია და რომელსაც უხამიანს და ბასრს კლანჭებიდან ვერავინ ვერ წაუყვია. გულს გვიკლავდა იმ დროს არა ბუნებრივი სიკვდილი, არამედ იმისთანა, რომელსაც იმ წუთს ჩვენ თვალით ვუყურებდით—კლდეზე გადაჩეხა... ყოველი იქ მდგომი მეცხვარე, ბუნების შვილი, მოელოდდა იმ ნაირ, არა ბუნებრივ სიკვდილს და ამისთვისაც გულში გესლი ეწვეთებოდა...

ცხედარს ნაბადი ჰქონდა გადაფარებული. ერთმა ჩვენგანმა ნაბადი გადაჰხადა პირიდან. ყველამ პირი მოვარიდეთ სახარელ სურათის დანახვაზე. თავის ნახევარი კანი ყურითურთ მხარზე ეგდო; უკვე გაჩენილ მატლისაგან მთლად თეთრად გალესილიყო დაჭრილ-დაფლეთილი თავი. ჯაბო



ნასრ-ულ-მულკი. — სპარსეთის მინისტრ-პრეზიდენტი. განათლება ოკსფორდის უნივერსიტეტში აქვს მიღებული.



ბრძოლა შაჰზინში. — ჩასაფრებული ფიდაები თოფებს ესვრიან შაჰის ჯარს.

რამდენიმე ნაბიჯის სიშორეზე ჩაოგვრჩა, რადგანაც გული აღარა ჰქონდა, რომ ეყურნა იმ სურათისათვის.

— როდემდისინ უყურებთ, კაცო, ჩამოიტანეთ, დრო მიდოს! — დავვებარა ჯაბომ.

ქეჩაზე დავაწვინეთ ქისტი. აქეთ-იქიდან მოვეკიდენით ექვსი კაცი და ნელ-ნელა. ღრე-ღრე ჩამოვიტანეთ ძირს ხევში, ვაკეზე.

— აბა ეხლა რა ვუყოთ, რა ვქნათ? — სთქვა ერთმა.

— რა უნდა ვუყოთ და უნდა როგორმე კახეთში ჩაუტანოთ და და ჩავბაროთ პატრონს, — უთხრა ჯაბომ.

— ოჰ, კაი ჩატანა კი უნდა ეხლა მავას კახეთში. სუ დაიშლება. — შენიშნა მეორემ.

— რაც უნდა მოუვიდეს, მავის აქ დაგდება-კი არ შეიძლება... სუ რომ არა იყოს რა, ზურგით ჩავიტან და პატრონს-კი ჩავბარებ, — სთქვა ჯაბომ.

— თუ კახეთში ჩავიტანთ, გაქრა დასჭირდება, — სთქვა მოხუცმა, რომელიც ბოლოს მოგვეშველა ერთ ბინიდან.



შაჰის ფაჯულა. — რაკეტონერთა ერთი მეთაურთაგანი, უმაღლეს სასამართლოს დადგენილებით, ამ ერთი კვირის წინად ჩამოახჩვეს.

— რასაკვირველია, უნდა გაიჭრას, — დასძინეს სხვებმაც, — უიმისოდ ვერ ჩავიტანთ კახეთს. ცხედარი უხერხულია ცხენზე მთის ოღრო-ჩოდრო და საშიშ ბილიკეზე და და ცხენიც ვერ ზიდავს.

— აბა ერთი გასჭერი, ეგნატე, მიუბრუნდნენ მოხუცს — შენ, უექველია, არც ერთი და ორი გაგიჭრია.

— ორი გამიჭრია, — სთქვა დინჯათ მოხუცმა, — ჩვენ მეცხვარობაში რას არ ნახავს, არ გაოივლის კაცი, აბა, — მოგვიბრუნდა, — ერთი მჭრელი დანა ვისა გაქვთ?

მიაწოდეს დანა. მოხუცმა მოგვატანინა წყალი, გაატიტ-
ვლა ცხედარი, გარეცხა, გასწმინდა მატლისაგან, გაასუფთა-
და შეუდგა კრას. ისე ოსტატურად გამოვიგნა მოხუცმა გვა-
მი, რომ არც ერთი ასო დანის უხერხულის მოსმით არ გაუ-
ფუჭებია. ამოვთხარეთ ორმო, ჩავეფალით ცხედრის შიგნეუ-
ლობა, მივყარეთ მიწა, ზედ მძიმე ქვები დავაწყეთ, რომ
ძალღს ან ნადირს არ ამოეთხარა და ზემოდაც სიპის ქვა
დავადეთ განსვენებულის სახელის და გვარის ზედ წარწერით.
გვამი გადასკრა მოხუცმა წელში, დაჰკრა წიხლი ხერხემალს
და გადასტეხა. ერთი ნახევარი გვამისა ჩავედეთ ერთ ტომა-

რაში და მეორე მეორეში. ტომრები შევკარით ცალბად,
ავკიდეთ ცხენს და გავისტუმრეთ კახეთში, მხოლოდ იმისა-
თვის, რომ დაეტონათ ცოლს და ნათესავებს და დამარხუ-
ლიყო „მამა-პაპათა საფლავებს შორის!..“

მოკვდა წყემსი. ტანჯვაში გაიზარდა და ბოლოს ერთ
ფრიალო კლდეზე გადაიჩეხა და ტანჯვაში დალია ტანჯუ-
ლი სული!.. მისი ერთგული ძაღლი ისევ ისე დაჰლმუოდა
და მის გულმოსაკლავ ღმუილს ბათს აძლევდა სამროვანის
კლდე, სადაც დალია სული მისმა საყვარელმა პატრონმა!..

ივ. ბუჭურაული.

აგარაკში წახვლა ოჯახისა.



დაბვირთული ქმარი. — უჰ! რა ძნელია ცოლშვილის აგარაკზე გადაბარგება!..

აგარაკში ყოფნა.



ქმარ. — შენ გენაცვალე, ერთი მაკოცნიე!
ქალი. — ეხლა არ შეიძლება, დავინახავენ.

სტუმ. — რას იტყვი, ელენე, დღეს ტყეში არ გავისეირნოთ?
ღიას. — დღეს საღ. ჩემი ქმარი უნდა ჩამოვიდეს და უხერხულია...

ბავშვები. — უჰ რა კარგია ტალახ-ში თამაშობა!

აგარაკიდან



დაბრუნება

ქმარი. — ვაი ჩემი ბრალი: ისე გამატყავა აგარაკმა რომ ფეხსაცმელიც კი აღარა მაქვს.